

per persunas d'instrucziun, mainascolas, cussegls da scola



No. 3 2020/21

Part generala

Art, cultura ed integraziun

Tge fiss il mund senza art e cultura? La crisa da corona ha mussà a nus tge che vul dir da desister sin occurrenz culturalas e contacts. La participaziun e l'access ad activitads e purschidas culturalas èn impurtants per tut la populaziun. En il focus dal prim MiX Grischun stat la dumonda co la promoziun da cultura actuala sa vegnir orientada sin nossa societad multifara e nua ch'i fa basegn d'agir. Nus tut enconuschain muments-clav che dattan ina vieuta a nossa vita. Fugitivs e patruns da lavur raquintan da tals muments ed inscuters en il context da l'integraziun professiunala.

[MIX-Magazin](#)



Migraziun mova

Il secretariat da stadi per la migraziun metta a disposiziun sin la plattafurma "Kiknet" material d'instrucziun sur dal tema migraziun. Las infurmaziuns elavuradas cun in buna survista, il material d'instrucziun ed ils agids supplementars sustegnan las persunas d'instrucziun tar l'instrucziun dal tema migraziun. La purschida è preparada digitalmain.

[Migraziun mova – material d'instrucziun](#)



Temas d'ambient per la scola primara e il stgalim secundar I

Pertge vegnan protegidas las palids? Pertge na crescha ina planta betg enfin sin tschiel? Pertge e la natira en ina citad impurtanta? Scienzads da l'institut federal per la perscrutaziun da guaud, naiv e cuntrada (WSL) han respundì durant

ils ultims onns pli che 100 dumondas d'uffants e creschids. Sin la pagina d'internet WSL-Junior stattan ils texts en furma da dumonda e resposta a disposiziun per il public. Els sa drizzan en prima lingia ad uffants e giuvenils en la vegliadetgna da 9 enfin 14 onns. Vinavant vegnan publicats sin la plattafurma periodicamain en ina lingua adattada a la vegliadetgna resultads scientifics actuals sco "Junior News". Atgnas dumondas vegnan respundidas da scienzads e scienzadas.

[WSL-Junior ambient – dumondas e respostas](#)



Access termagliant a l'instrucziun da medias ed informatica

Autos autonom, l'internet da las chaussas, roboters... la transformaziun digitala vegn a furmar ils mastergns da l'avegnir. Pensar creativ, cooperaziun ed innovaziun vegnan ad esser adina pli impurtants. Il giu liber en scolina porscha la pussaivladad da promover questas cumpetenzas. En il project da svilup "Wir spielen die Zukunft" san vegnir sviluppads impuls da la transformaziun digitala per il giu liber. Quests pussibiliteschan als uffants in access termagliant a temas dal champ medias ed informatica. Videos exemplarics animeschan a realisar las ideas.

[Impuls MI per il giu liber en scolina](#)



Rait autodeterminaziun digitala

In palpieri da discussiun dà ina introducziun en l'iniziativa svizra "Rait autodeterminaziun digitala". Il palpieri

intenziunescha da promover in access pli vast al tema e da promover ideas per la realisaziun. El è vegnì elavurà da represchentants da l'administraziun federala, da la scienza sco era da l'economia.

[Palpiri da discussion autodeterminaziun digitala](#)



Curs swch 2021 a Schaffusa

Il curs interchantunals da stad da "schule und weiterbildung schweiz" han lieu dals 12 fin als 23 da fanadur 2021 a Schaffusa. Bunamain 200 differents curs cun differents temas actuals e scolastics vegnan purschids. Il curs pon vegnir reservads online.

[Infurmaziun ed annunzia](#)



Centanni – 2021 Viadis da scola

L'agentura spezialisada Educa festivescha quest onn ses centenari. En quest'ocasiun èn scolas supplitgadas da guardar en l'avegnir. La finamira è da producir ina vista extendida da l'innovaziun en il spazi da furmaziun digital da la Svizra e publitgar quel sin centanni.ch enfin il di da giubileum mez zercladur. Durant la prima mesadad dal 2021 pon scolas mussar, co che ellas sa vesan en l'avegnir. Centanni porscha per quai in spazi adattà. Il centenari d'Educa vegn duvrà per guardar enavant e betg enavos. Enavant, là nua che las scolas sa vesan en in pèr onns, l'orizont tschern mintga scola sez: concret en trais onns, visiunari en 15 o era utopic en 100 onns.

[Infurmaziuns Centanni – 2021 Viadis da scola](#)



Newsletter Pediatria Svizra

Pediatria Svizra è l'organisaziun professiunala per tut ils medis d'uffants en Svizra. L'organisaziun publitgescha regularmain in Newsletter, tranter auter er sur dal tema "Covid-19 e scola". In'invista sin las scuvertas scientificas actualas è gidaivla per persunas d'instrucziun e maina-scolas.

[Newsletter Pediatria Svizra](#)



Cun cordials salids

Inspecturat da scola dal Grischun

Part regionala

Termins

Giudicament d'admissiun tenor protesta 2021

Decisiun definitiva 2021: 14 avrigl 2021

Examens d'admissiun: 25/26 matg 2021

Nus supplitgain a las magistras ed als magisters da classa urgentamain da betg organisar occurrenzas da scola durant quests dis.

Documents per ils uraris 2021/22

La spediziun dals documents per far ils uraris per l'onn da scola 2021/22 succeda curt suenter las vacanzas da sport.

Cun cordials salids

Team da l'inspecturat Plessur – Grischun central

Christina Nigg (manadra dal district), Jachen Andri Buchli, Daniela Zanelli, Philipp Hugentobler ed Elisabeth Caluori (secretariat)



